

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 496176 25 St
Tuzla, 25.02.2026. godine

Općinski sud u Tuzli, stečajni sudija Vedran Milašinović, u postupku predhodnog ispitivanja prijedloga za otvaranje stečajnog postupka nad dužnikom „NEJR ŠPED“ d.o.o. za prevoz, trgovinu i usluge Gradačac, ul. Šestog bataljona b.b., koga zastupa ZAK Nedim Unkić i Hazim Huskić advokati iz Gradačca, dana 25.02.2025. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „NEJR ŠPED“ d.o.o. za prevoz, trgovinu i usluge Gradačac, ul. Šestog bataljona b.b.

Za privremenog stečajnog upravnika imenuje Alem Hodžić iz Srebrenika, Luka b.b.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gradačcu i Službi za geodetske i imovinsko-pravne poslove Grad Gradačac, radi upisa zabilježbe otvaranja prethodnog postupka.

Obrazloženje

„NEJR ŠPED“ d.o.o. za prevoz, trgovinu i usluge Gradačac, ul. Šestog bataljona b.b., kao dužnik, podnio je dana 28.10.2025. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 13.02.2026. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač „NEJR ŠPED“ d.o.o. za prevoz, trgovinu i usluge Gradačac, ul. Šestog bataljona b.b., je dana 23.02.2026. godine dostavio sudu dokaz o uplati predumljenih sredstava za finansiranje prethodnog postupka u iznosu od 3.500,00 KM.

Na osnovu priložene dokumentacije i to: izvještaj o računima poslovnog subjekta centralne banke od 04.11.2025. godine, rješenje o registraciji od 07.06.2021. godine, uvjerenje PU F BiH KAS Tuzla PI Gradačac od 27.10.2025. godine, uvjerenje UIO BiH RC Tuzla od 22.10.2025. godine, bilans stanja na dan 31.12.2024. godine, bilans uspjeha za period od 01.01.2024-31.12.2024. godine i uplate predujma od 3.500,00 KM, predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 15.12.2025. godine, pristupio je punomoćnik društva Hazim Huskić advokat iz Gradačca, te izjavio da je društvo porodična firma u kojoj je suprug osnivač a supruga direktor. Društvo se bavilo međunarodnim transportnom robe, a osnivač je ujedno bio i zaposlenik kao vozač, dok drugih radnika nije bilo. Društvo je uredno izmirivalo obaveze, međutim zbog jake konkurencije prvenstveno većih firmi je zapalo u poteškoće te je platežna nesposobnost nastupila blokadom računa 14.10.2025. godine. Ostalo je obaveza prema Poreznoj upravi i UIO, a što je navedeno u uvjerenjima, te kreditnih obaveza prema MF Banci i Mikrofin, dok drugih obaveza prema njegovim saznanjima nema. Postojala je obaveza po osnovu kredita prema BBI banci koja je u cijelosti izmirena. Društvo nema bilo kakve imovine, nema nekretnina (djelatnost je obavljanja u porodičnoj kući) nema pokretnih stvari uz napomenu da je jedini kamion koji je društvo imalo prodat ranije rani izmirenja obaveza. Osnivač kao radnik je odjavljen kod porezne uprave.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijeca u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.

